



INFORMASHON

Fecha
29 di ougùstùs 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Riolering i Purifikashon di Awa.

Servisio pa Obra Públiko tin e tarea pa pone i mantené sistemanan di riolering i e sentronan di purifikashon di awa di Kòrsou.

Bou di tera tin un infrastruktura pa fangu i transportá awa sushi pa un sentro di purifikashon di awa. E sistema aki ta konsistí di put, pipa i pòmpanan i e yama un sistema di riolering.

Awa sushi ta awa ku ta bai unabes ku e sali for di kranchi, manera awa na wasbak den baño, awa ku ta laba tayo, awa di pochi di wc, awa ku ta laba paña den e wasmashin etc.

Mas o ménos 33% di Kòrsou tin e sistema di riolering aki. Entre otro e bario nan bieu di Shell manera Julianadorp, Emmastad i Suffisant. Tur e proyektonan di FKP tambe tin e sistema aki. Otro bario nan tambe ku tin e sistema ta Punda i bisindario, Otrabanda i bisindario, Marie Pompoen, Steenrijk i bisendario i Salinja i bisendario. Den e bario nan aki kada kas i tur edifisio tin su sistema di riolering ku ta hiba e awa sushi pa medio di pipanan di preshon na e sentronan di purifikashon di awa uza.

Unabes ku e awa sushi aki yega na e sentro aki, e mashinnan ku tin den e sentro ta purifiká e awa pa por usa esaki pa plantashon i otro metanan. E awa aki no ta bolbe wòrdu usa komo awa pa bebe.

Na Kòrsou nos tin 4 sentro di purifikashon di awa, kual ta Klein Hofje, Klein Kwartier, Tera Cora i Abattoir. Pa kolekshon i transporte di e awa pa e plantanan di purifikashon tin 38 punto di kolekshon ku un sistema di pòmpan outomatisá ku ta saka e awa sushi for di den e bario nan i mand'è pa un di e planta di purifikashon.

Pone sistema di riolering

Na momentu di konstrukshon di un kas òf un edifisio riba un tereno bashí, e desaroyadó di e tereno mester informá si e sistema ta pasa ei banda pa asina e hasi petishon pa konektá riba e sistema di riolering.

Pa por hasi petishon e persona mester yena e formulario aki i entrega esaki na Servisio pa Obra Públiko. Unabes ku e petishon ta entrega, e ámtenar responsabel ta



INFORMASHON

Fecha

29 di ougùstùs 2017

Accountmanager di Komunikashon

Jhanirha Da Costa Gomez

Email

jhanirha.anita@gobiernu.cw

check e situashon na e direkshon indiká i ta tuma kontakto ku e desaroyadó pa bin paga promé ku por kuminsá ku e trámitenan pa pone e sistema di riolering.

Servisio pa Obra Públiko ta habri di djaluna pa djabièrnè di 8.00 di mainta pa 12or di mèrdia i di 2or di atardi pa 5or di atardi.

Gastunan pa pone sistema di riolering ta dependé di e grandura di e proyekto konserní. Pa un kas normal tin ku paga e suma di Naf. 350,- i gobièrnu ta kubri sobra gastunan pa pone e punto di konekshon te na e kura di e kas. E sistema di konekshon ta tuma lugá sigun e lei di prekario. Dependé e grandura i tipo di e empresa ta wòrdu deskribí ki fórmula ta wòrdu apliká pa saka e gastunan di konekshon.

Mantenshon di sistema di riolering

Servisio pa Obra Públiko ta mantené e sistema di riolering i e plantanan di purifikashon di awa di nos pais regularmente. Esaki ta pa garantisá ku e sistema ta funshoná efektivamente konstantemente.

Tin diferente proyekto di mantenshon di riolering tumando lugá durante henter aña.